



## Ua Faailoa Manino Mai Papelonia Suesuega 20 ■ Fesoasoani Faaopoopo



### O le Ata Tele

I la tatou suesuega talu ai, na tatou molimauina ai le sootaga o le pa'u o Papelonia, ma Amaketo:

- Faaaliga 16:12, e matutu ai le Eufirate ina ua iloa e pule na lagolagoina Papelonia ua faaseseina i latou e vavega ma faailoga pepelo, ona latou liliu atu ai loa faatamaia Papelonia (Faaaliga 17:15–18).
- Faaaliga 16:19, o loo malepe vaetoluina ai le aai tele o Papelonia. O le iuga lenei o mala e fitu.

Na tatou molimauina foi le uiga moni o le taua mulimuli, e le se taua faaletino, ae faaleagaga. E iai le uiga faaleagaga o valoaga. E le ina ia faamalieina ai lo

tatou fia iloa o le lumanai. O valoaga, e faamalosia ai lo tatou piimau atu ia Keriso. O le Satani lava lenei na amataina le taua i le lagi, o ia lava foi lenei e amataina Amaketo. Na toilalo i le lagi ma lafo ifo ai i le lalolagi. E ita o ia i le fafine—le ava a Keriso. O Amaketo, o lana toe taumafaiga lava lea e faaleagaina tagata o Le Atua, o e tausia Ana tulafono ma ia i latou le mau ia Iesu (Faaaliga 12:17).

Na lapatai mai foi Paulo i nisi o faiga a Satani i le taimi o le iuga o le lalolagi, o le fai vavega ma faailoga pepelo e faaseseina ai i latou e faafanoina ona latou te le'i naunau atu i le upu moni, ma iu faaseseina ai i latou (2 Tesalonia 2:9-10).

I le taua i Amaketo, e tatau i tagata uma lava o le lalolagi ona filifili pe au i Le Atua po o Satani. A o poopoto i le Mauga o Siona au a Le Atua ma le Tamai Mamoe, ae potopoto au a Satani i Amaketo e faatafunaina ai i latou i le afio mai o Iesu Keriso.

O le taua lenei e toe faafoisia ai le pule a Le Atua i Lana lava foafoaga, ae faaumatia ai e tetee ia te Ia. E atagia mai ai iinei le tago atu o le Tamai Mamoe i le tusi taai i Lona afio a'e i le lagi. Na Ia tatalaina faamaufailoga ona e na o Ia Le Faamaoni i aiaiga o le feagaiga. E tatau ma talafeagai foi Lana pule. Ona amata loa ona ia faataunuina le tulaga na faia e tupu Isaraelu i le taimi e faapaleina ai: Tauia o e na faamaoni, ae faaumatia i latou na tetee.

Faaaliga 16:19, e manino ai na malepe Papelonia ona o mala. E malamalama ai foi i le mau lava lenei le faasinomaga o Papelonia ma tulaga eseese o lona malepe. E tatau ona manatua pea le mau lenei a o tatou galulue faasolosolo i nei mataupu. Faaaliga 17, e faamalalamaina mai ai Papelonia o le iuga, e tatau ai ona tatou malamalama i le mafuaaga o le faaiuga a Le Atua ia Papelonia.

Ua faalua ona ta'ua e Ioane le malepe o Papelonia e aunoa ma le faailoa mai pe o ai tonu e faatatau iai Peapelonia (Faaaliga 14:8; 16:19). O lenei la ua toe fetuutuunai Ioane ina ia faailoa mai Papelonia tonu ma lona malepepepe.

© All rights reserved Seventh-day Adventist Church South Pacific Division. Not for profit publication. Faatagaina le faaliliuina e Etuati E. Erika [erika@adventist.org.au](mailto:erika@adventist.org.au)  
<http://carrumdowns.org> [www.revelationhope.com](http://www.revelationhope.com)